

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
Općinsko vijeće**

**Broj:** 01/1-22-Z/22

**Kakanj,** 25.10.2022. godine

**Z A P I S N I K**

**sa 22. redovne sjednice Općinskog vijeća održane 25.10.2022. godine (utorak) i 22.11.2022. (utorak) – nastavak u sali Općinskog vijeća sa početkom u 9:00 sati (sažetak zapisnika)**

Nakon intoniranja himne Bosne i Hercegovine 22. sjednicu Općinskog vijeća otvorio je Slaven Katičić, predsjedavajući Općinskog vijeća i pozdravio prisutne.

Prije početka sjednice i utvrđivanja kvoruma svečanu izjavu je dao Adis Mrkonjić, vijećnik SDA, a nakon prestanka mandata vijećniku Edinu Aliefendiću.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Safet Šahman, Mejrema Purišević, Mediha Mamela, Izudin Puščul, Omer Musić, Nerma Aliefendić, Elvir Delibašić, Namir Talić, Izudin Hrusto, Adis Mrkonjić i Džemal Bečirhodžić (**naknadno pristupio**) (**SDA**)

Vinka Aletović, Ahmed Begić, Miroslav Spasojević i Eldin Mijoč (**SDP BiH**)

Mirsad Tursum, Zerina Kovač, Fakir Ajdinović i Sabit Čehajić (**naknadno pristupio**) (**S BiH**)

Behija Kulović i Branko Češljčić (**NS**)

Enver Merdić (**naknadno pristupio**) (**SBB BiH**)

Adnan Čobo i Armin Bašić (**DF**)

Slaven Katičić (**HDZ BiH**)

Mujo Fafulić - **nacionalnih manjina**

**Odsutni vijećnici:** Aldin Šljivo i Nedim Mušija (**SDA**), Mugdin Gorak (**SBB BiH**) i Dževdet Huskić (**NS**).

Predsjedavajući je konstatovao da je na sjednici u momentu prijave prisutno 23 vijećnika i vijećnica, te da su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

**Mirnes Bajtarević**, općinski načelnik

**Ferdo Mijač**, sekretar Općinskog vijeća

**Džihad Berbić**, pomoćnik općinskog načelnika za finansije

**Mirza Fazlić**, pomoćnik općinskog načelnika za privredu, urbanizam i zaštitu okoline

**Bahrudin Arnaut**, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

**Mukades Delibašić**, pomoćnik općinskog načelnika za imovinskopravne, geodetske poslove i katastar nekretnina

**Edin Aliefendić**, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

**Nurudin Hrusto**, pomoćnik općinskog načelnika za civilnu zaštitu

**Zijad Neimarlija**, direktor Zavoda za planiranje i izgradnju općine Kakanj  
**Mahir Sikira**, savjetnik općinskog načelnika

### **Izjave, obrađivači, gosti**

Mirsada Čaluk i Azra Čišija, predsjednica UO i direktorica JU za predškolski odgoj i obrazovanje „Mladost“ Kakanj  
predstavnicu Sindikata JP „Vodokom“ d.o.o. Kakanj

### **Predstavnici medija**

**NTV IC Kakanj**  
**Radio Kakanj**

### **Napomene o radu Kolegija Općinskog vijeća**

U pripremi 22. redovne sjednice Općinskoga vijeća, Kolegij Općinskog vijeća je 17.10.2022. godine, održao sjednicu na kojoj je razmatrao predstave i ostale materijale koji su bili prosljeđeni na Kolegij i to:

#### **a) Zahtjev JU Dom zdravlja sa stacionarom Kakanj za rješavanje problema parkinga**

Kolegij je Zahtjev JU Dom zdravlja sa stacionarom primio k znanju.

#### **b) Zahtjev NGG Park prirode Trstionica i Boriva za informacijama po Zaključku OV za sanaciju terena na lokaciji Mehorić**

Kolegij Općinskog vijeća je donio Zaključak kojim traži informaciju od JP „Vodokom“ d.o.o. Kakanj, Kantonalne inspekcije ZDK, Kantonalne uprave za šumarstvo ZDK i „ŠPD-ZDK“ d.o.o. Zavidovići o poduzetim mjerama po Zaključku Općinskog vijeća broj: 01/1-20-271/22 i po Zahtjevu za pristup informacijama od NGG Park prirode Trstionica i Boriva.

#### **c) Prijedlog Željeznice FBiH za obnovu upravnog postupka**

Kolegij je Prijedlog uputio općinskom načelniku, Općinskom pravobranilaštvu i Službi za imovinskopravne, geodetske poslove i katastar nekretnina na razmatranje i postupanje u zakonskom roku, te da o istom izvijeste Kolegij.

#### **d) Zahtjev Sindikalne organizacije JP „Vodokom“ d.o.o Kakanj**

Kolegij je Zahtjev primio k znanju.

#### **e) Zahtjev za dostavljanje informacije Ministarstvu za poljoprivredu, šumarstvo i poljoprivredu ZDK**

Kolegij je Zahtjev prosljeđio Službi za privredu, urbanizam i zaštitu okoliša na dalje postupanje i razmatranje.

#### **f) Odgovori Odsjeka za inspekcije i Službe za privredu, urbanizam i zaštitu okoliša na Zaključak Kolegija, broj: 01/1-19-K-257/22**

Odgovore je Kolegij Općinskog vijeća primio k znanju.

#### **g) Molba za pomoć u liječenju**

Kolegij Općinskog vijeća je Molbu prosljeđio općinskom načelniku na dalje postupanje.

### **Usvajanje zapisnika sa 20. redovne i 21. vanredne sjednice Općinskog vijeća**

Nije bilo primjedbi na zapisnik sa 20. redovne i 21. vanredne sjednice Općinskog vijeća i isti su usvojeni jednoglasno sa 23 glasa ZA.

### **Komentari na dostavljene odgovore na vijećnička pitanja**

Nije bilo komentara na dostavljene odgovore na vijećnička pitanja.

## **Komentari na dostavljena mišljenja na vijećničke inicijative**

Nije bilo komentara na dostavljena mišljenja na podnesene vijećničke inicijative.

### **Vijećnička pitanja:**

**Behija Kulović:** je postavila dva vijećnička pitanja. Prvo pitanje je da li se mogu zakrpati rupe na postojećoj zelenoj pijaci, obzirom da još uvijek nisu započeti radovi gradnje nove zgrade na prostoru zelene pijace, a iz razloga što je taj prostor zapušten, neravan i ugrožava kretanje kupaca, a istovremeno se najam štandova na pijaci uredno naplaćuje. Drugo pitanje je zašto do sada nisu isplaćena sredstva za poboljšanje finansijskog statusa uposlenika JU „Gradska biblioteka „Kakanj“?

**Džihad Berbić (odgovor):** je rekao da su rebalansom Budžeta Općine predviđena sredstva za povećanje plaća radnika JU „Gradska biblioteka „Kakanj“ i to ukoliko ZDK kao finansijer te JU ne djeluje. Međutim, kako je kanton izvršio povećanje plaće radnika u JU u visini od 10%, smatra se da je daljnje djelovanje Općine u tom pogledu nesvršishodno.

Predsjedavajući je konstatovao da su vijećnici Slaven Katičić i Elvir Delibašić postavili vijećničko pitanje bez korištenja govornice.

**Slaven Katičić:** je postavio vijećničko pitanje da li su istinite informacije da je u proteklih mjesec dana bilo devastacije katoličkih obilježja i sknavljenja grobova na grobljima Crnač, Brnj, Slapnica i dr, te ako jesu šta je policija poduzela da se otkriju počinitelji, privedu i zadokumentuju navedeni slučajevi.

**Elvir Delibašić:** je postavio vijećničko pitanje da li je formirana Komisija za promjenu naziva ulica i dokle se došlo sa aktivnostima oko promijene naziva dijela ulice od stanice u Vehabima do Obara, po njegovoj inicijativi sa 14. sjednice Općinskog vijeća?

### **Vijećničke inicijative**

**Behija Kulović:** je pokrenula dvije vijećničke inicijative. Prva inicijativa se odnosi na izbor novog rukovodstva Foruma za sigurnost građana općine Kakanj, a u vezi informacije da u protekloj godini sjednice Foruma nisu održavane iz razloga odlaska u penziju predsjedavajućeg, dok novi predsjedavajući Foruma nije izabran. Druga se odnosi na poboljšanje ekonomskog statusa radnika JP „Vodokom“ Kakanj, a imajući u vidu nekontrolisano divljanje cijena osnovnih životnih namirnica i energenata, pa smatra da je potrebno poduzeti hitne mjere kako bi se pomoglo onima sa najmanjim primanjima u JP „Vodokom“, prvenstveno misleći na radnike u proizvodnji, održavanju grada, vozače i ostale.

**Mediha Mamela:** je pokrenula inicijativu za usklađivanje kantonalnih propisa sa Zakonom o materijalnoj podršci porodica sa djecom Federacije BiH i ukidanje imovinskog cenzusa za ostvarivanje prava porodica djece sa poteškoćama u razvoju i posebnim potrebama i djece roditelja sa poteškoćama i posebnim potrebama.

Predsjedavajući je konstatovao da su vijećnici Namir Talić i Elvir Delibašić podnijeli vijećničke inicijative bez korištenja govornice.

**Namir Talić:** je pokrenuo dvije vijećničke inicijative. Prva je da se da se u MZ Brnj uradi završetak ugradnje cijevi za kanalizaciju u dužini od cca 300 metara, a druga je da se izvrši uklanjanje šiblja i granja na putu od izlaza iz ulice 4. juli prema kamenolomu, jer isto uveliko otežava saobraćaj i narušava bezbjednost saobraćaja.

**Elvir Delibašić:** je pokrenuo vijećničku inicijativu da se u naseljenom mjestu Usijel u MZ Čatići u narednoj kalendarskoj (budžetskoj) godini obezbijedi nesmetano vodosnadbijevanje, napominjući da mještani tog naselja dugi niz godina imaju problem vodosnadbijevanja.

## **Utvrđivanje dnevnog reda:**

Predsjedavajući je za 22. redovnu sjednicu predložio dnevni red koji je usaglašen na sjednici Kolegija uz dvije dodatne tačke i to: „Prijedlog odluke o isplati razlike iznosa sredstava studentima koji su ostvarili pravo na kantonalnu stipendiju za akademsku 2021/22 godinu“ (7. tačka dnevnog reda) i „Prijedlog odluke o finansiranju troškova prijevoza redovnih učenika srednjih škola za 2022. godinu“ (8. tačka dnevnog reda).

U diskusiji o dnevnom redu nije niko učestvovao i isti je usvojen jednoglasno sa 23 glasa ZA.

## **Usvojeni dnevni red:**

1. Prijedlog odluke o izmjenama i dopunama Budžeta Općine Kakanj za 2022. godinu
2. Razmatranje Izvještaja o izvršenju Budžeta Općine Kakanj za period 01.01-30.06.2022. godine
3. Razmatranje Izvještaja o izvršenju tekuće budžetske rezerve za period 01.01-30.06.2022. godine
4. Prijedlog odluke o utvrđivanju javnog interesa
5. Prijedlog odluke o načinu i uslovima raspolaganja nekretninom – prodaji neposrednom pogodbom građevinskog zemljišta u Kaknju
6. Prijedlog odluke o izmjenama i dopunama Kriterija o dodjeli jednokratnih novčanih pomoći i pomoći za smještaj deložiranih pripadnika boračkih populacija (dopunska prava)
7. Prijedlog odluke o isplati razlike iznosa sredstava studentima koji su ostvarili pravo na kantonalnu stipendiju za akademsku 2021/22 godinu
8. Prijedlog odluke o finansiranju troškova prijevoza redovnih učenika srednjih škola za 2022. godinu
9. Prijedlog odluke o usvajanju Izvještaja Komisije za provođenje izbora u MZ Hrastovac
10. Prijedlog odluke o potvrđivanju rezultata izbora i dodjeli mandata za članove Savjeta MZ Hrastovac
11. Prijedlog rješenja o konačnom imenovanju člana NO JU „Gradska biblioteka“ Kakanj
12. Prijedlog rješenja o konačnom imenovanju člana NO JU „Kulturno-sportski centar“ Kakanj
13. Prijedlog rješenja o razrješenju Edina Aliefendića, predsjednika Komisije za izbor i imenovanje – na lični zahjev
14. Prijedlog rješenja o imenovanju predsjednika Komisije za izbor i imenovanje
15. Prijedlog rješenja o razrješenju Ernesta Zakušeka, člana Komisije za procjenu prometne vrijednosti nekretnina – na lični zahjev
16. Prijedlog rješenja o imenovanju člana Komisije za procjenu prometne vrijednosti nekretnina
17. Razmatranje Informacije o postupku diobe nekretnina (autobuska stanica)
18. Razmatranje Izvještaja o realizaciji Godišnjeg programa rada JU za predškolski odgoj i obrazovanje „Mladost“ Kakanj za 2021/2022 godinu
19. Razmatranje Godišnjeg programa rada JU za predškolski odgoj i obrazovanje „Mladost“ Kakanj za 2022/2023 godinu

## **1. Prijedlog odluke o izmjenama i dopunama Budžeta Općine Kakanj za period 01.01 – 31.12.2022. godine**

**Predlagač:** općinski načelnik

**Obrađivač:** Služba za finansije

**Izviestilac:** Džihad Berbić, pomoćnik općinskog načelnika

U diskusiji je učestvovala Behija Kulović.

**Behija Kulović:** je tražila pojašnjenje stavke koje se odnosi na transfer od Federacije BiH prema JU „Centar za socijalni rad“ Kakanj, za isplate po osnovu prava roditelja njegovatelja i to zbog čega se ta sredstva ne vode kao posebna stavka u rashodovnoj strani, jer su ista prikazana kao rashod za plaće radnika JU.

**Džihad Berbić (odgovor):** je pojasnio da su prava roditelja njegovatelja izjednačena sa pravima radnika, izuzev prava na topli obrok i još nekih drugih prava, pa je s tim u vezi neophodno sredstva po osnovu transfera Federacije BiH po tom osnovu voditi na stavci plaće radnika JU „Centar za socijalni rad“ Kakanj, jer plaće nije moguće voditi kroz dvije odvojene stavke, ali će se kroz izvještaj koji bude radila JU ta sredstva prikazati odvojeno. Napomenuo je da se radi o pilot projektu koji se među prvima implementira u Kaknju i da će vjerovatno prilikom realizacije projekta doći do određenih odstupanja u pogledu iznosa sredstava.

Nakon diskusije Vijeće je usvojilo Odluku o izmjenama i dopunama Budžeta Općine Kakanj za period 01.01 – 31.12.2022. godine, sa 22 glasa ZA, 1 glas PROTIV i 1 glas UZDRŽAN.

Predsjedavajući je predložio da se objedini rasprava po tačkama 2. i 3. dnevnog reda, a da se glasanje obavi pojedinačno.

## **2. Razmatranje Izvještaja o izvršenju Budžeta Općine Kakanj za period 01.01-30.06.2022. godine**

## **3. Razmatranje Izvještaja o izvršenju tekuće budžetske rezerve za period 01.01-30.06.2022. godine**

**Predlagač:** općinski načelnik

**Obrađivač:** Služba za finansije

**Izjavitelj:** Džihad Berbić, pomoćnik općinskog načelnika

U diskusiji nije niko učestvovao pa je Vijeće usvojilo Zaključak o prihvatanju Izvještaja o izvršenju Budžeta Općine Kakanj za period 01.01-30.06.2022. godine, sa 18 glasova ZA, 1 glas PROTIV i 2 glasa UZDRŽAN, te Zaključak o prihvatanju Izvještaja o izvršenju tekuće budžetske rezerve za period 01.01-30.06.2022. godine, sa 21 glasom ZA, 1 glas PROTIV i 2 glasa UZDRŽAN.

## **4. Prijedlog odluke o utvrđivanju javnog interesa**

**Predlagač:** općinski načelnik

**Obrađivač:** Služba za imovinskopravne, geodetske poslove i katastar nekretnina

**Izjavitelj:** Mukades Delibašić, pomoćnik općinskog načelnika

U diskusiji je učestvovala Behija Kulović.

**Behija Kulović:** je podržala predloženu odluku jer se radi o izgradnji podstanice za JP „Grijanje“ Kakanj, što će dovesti do boljeg kvaliteta usluge za građane, te je uz to napomenula da u MZ Doboj postoji sličan problem, odnosno da jedan dio naselja nema kvalitetno grijanje zbog spornih imovinsko-pravnih odnosa, pa je pozvala nadležne da što prije riješe taj problem.

Nakon diskusije Vijeće je jednoglasno sa 26 glasova ZA usvojilo Odluku o utvrđivanju javnog interesa.

## **5. Prijedlog odluke o načinu i uslovima raspolaganja nekretninom – prodaji neposrednom pogodbom građevinskog zemljišta u Kaknju**

**Predlagač:** općinski načelnik

**Obrađivač:** Služba za imovinskopravne, geodetske poslove i katastar nekretnina

**Izjavitelj:** Mukades Delibašić, pomoćnik općinskog načelnika

U diskusiji nije niko učestvovao i Vijeće je jednoglasno sa 24 glasa ZA usvojilo Odluku o načinu i uslovima raspolaganja nekretninom – prodaji neposrednom pogodbom građevinskog zemljišta u Kaknju.

## **6. Prijedlog odluke o izmjenama i dopunama Kriterija o dodjeli jednokratnih novčanih pomoći i pomoći za smještaj deložiranih pripadnika boračkih populacija (dopunska prava)**

**Predlagač:** općinski načelnik

**Obrađivač:** Služba za društvene djelatnosti, boračka pitanja, raseljena lica, izbjeglice i povratnike

**Izjavitelj:** Edin Aliefendić, pomoćnik općinskog načelnika

U diskusiji nije niko učestvovao i Vijeće je jednoglasno sa 25 glasova ZA usvojilo Odluku o izmjenama i dopunama Kriterija o dodjeli jednokratnih novčanih pomoći i pomoći za smještaj deložiranih pripadnika boračkih populacija (dopunska prava).

#### **7. Prijedlog odluke o isplati razlike iznosa sredstava studentima koji su ostvarili pravo na kantonalnu stipendiju za akademsku 2021/22 godinu**

**Predlagač:** općinski načelnik

**Obrađivač:** Služba za društvene djelatnosti, boračka pitanja, raseljena lica, izbjeglice i povratnike

**Izjavitelj:** Edin Aliefendić, pomoćnik općinskog načelnika

U diskusiji nije niko učestvovao pa je Vijeće usvojilo Odluku o isplati razlike iznosa sredstava studentima koji su ostvarili pravo na kantonalnu stipendiju za akademsku 2021/22 godinu, sa 24 glasa ZA, 1 glas PROTIV, bez glasova UZDRŽAN.

#### **8. Prijedlog odluke o finansiranju troškova prijevoza redovnih učenika srednjih škola za 2022. godinu**

**Predlagač:** općinski načelnik

**Obrađivač:** Služba za društvene djelatnosti, boračka pitanja, raseljena lica, izbjeglice i povratnike

**Izjavitelj:** Edin Aliefendić, pomoćnik općinskog načelnika

U diskusiji nije niko učestvovao i Vijeće je jednoglasno sa 24 glasa ZA usvojilo Odluku o finansiranju troškova prijevoza redovnih učenika srednjih škola za 2022. godinu.

Predsjedavajući je predložio da se objedini rasprava po tačkama 9. i 10. dnevnog reda, a da se glasanje obavi pojedinačno.

#### **9. Prijedlog odluke o usvajanju Izvještaja Komisije za provođenje izbora u MZ Hrastovac**

#### **10. Prijedlog odluke o potvrđivanju rezultata izbora i dodjeli mandata za članove Savjeta MZ Hrastovac**

**Predlagač:** općinski načelnik

**Obrađivač:** Služba za opću upravu, radne i zajedničke poslove, lokalnu samoupravu i mjesne zajednice

**Izjavitelj:** Bahrudin Arnaut, pomoćnik općinskog načelnika

U diskusiji nije niko učestvovao pa je Vijeće jednoglasno sa 25 glasova ZA usvojilo Odluku o usvajanju Izvještaja Komisije za provođenje izbora u MZ Hrastovac, a sa 22 glasa ZA, bez glasova PROTIV i 3 glasa UZDRŽAN je usvojena Odluka o potvrđivanju rezultata izbora i dodjeli mandata za članove Savjeta MZ Hrastovac. Savjet MZ Hrastovac je u sastavu: Elvir Kobilica – predsjednik i članovi: Elvir Kobilica, Fikret Kobilica, Muharem Kobilica i Niaz Kobilica

Predsjedavajući je predložio da se objedini rasprava po tačkama 11. i 12. dnevnog reda, a da se glasanje obavi pojedinačno.

#### **11. Prijedlog rješenja o konačnom imenovanju člana NO JU „Gradska biblioteka“ Kakanj**

#### **12. Prijedlog rješenja o konačnom imenovanju člana NO JU „Kulturno-sportski centar“ Kakanj**

**Predlagač:** Komisija za izbor i imenovanje

**Obrađivač:** Stručna služba za poslove Općinskog vijeća

**Izjavitelj:** Komisija za izbor i imenovanje

Nije bilo prijavljenih za diskusiju pa je Vijeće usvojilo Rješenje o konačnom imenovanju Helmine Murtić za člana NO JU „Gradska biblioteka“ Kakanj, sa 21 glasom ZA, bez glasova PROTIV i 1 glas UZDRŽAN, te Rješenje o konačnom imenovanju Ilhane Alajbegović za člana NO JU „Kulturno-sportski centar“ Kakanj, sa 24 glasa ZA, bez glasova PROTIV i 1 glas UZDRŽAN.

### **13. Prijedlog rješenja o razrješenju Edina Aliefendića, predsjednika Komisije za izbor i imenovanje – na lični zahjev**

**Predlagač:** Komisija za izbor i imenovanje

**Obrađivač:** Stručna služba za poslove Općinskog vijeća

U diskusiji nije niko učestvovao i Vijeće je sa 22 glasa ZA, 1 glas PROTIV i 2 glas UZDRŽAN usvojilo Rješenje o razrješenju Edina Aliefendića, predsjednika Komisije za izbor i imenovanje – na lični zahjev.

### **14. Prijedlog rješenja o imenovanju predsjednika Komisije za izbor i imenovanje**

**Obrađivač:** Stručna služba za poslove Općinskog vijeća

Predsjedavajući je dao pauzu od 5 minuta.

**Izudin Puščul:** je u ime Kluba SDA predložio Medihu Mamela za predsjednicu Komisije za izbor i imenovanje.

Nije bilo prijavljenih za diskusiju pa je Vijeće usvojilo Rješenje o imenovanju Medihe Mamela za predsjednicu Komisije za izbor i imenovanje sa 17 glasa ZA, bez glasova PROTIV i 5 glasova UZDRŽAN.

### **15. Prijedlog rješenja o razrješenju Ernesta Zakušeka, člana Komisije za procjenu prometne vrijednosti nekretnina – na lični zahjev**

**Predlagač:** Komisija za izbor i imenovanje

**Obrađivač:** Stručna služba za poslove Općinskog vijeća

**Izviestilac:** Komisija za izbor i imenovanje

U diskusiji nije niko učestvovao i Vijeće je sa 19 glasova ZA, bez glasova PROTIV i 4 glasa UZDRŽAN usvojilo Rješenje o razrješenju Ernesta Zakušeka, člana Komisije za procjenu prometne vrijednosti nekretnina – na lični zahjev.

### **16. Prijedlog rješenja o imenovanju člana Komisije za procjenu prometne vrijednosti nekretnina**

**Predlagač:** Komisija za izbor i imenovanje

**Obrađivač:** Stručna služba za poslove Općinskog vijeća

**Izviestilac:** Komisija za izbor i imenovanje

U diskusiji nije niko učestvovao i Vijeće je sa 20 glasova ZA, bez glasova PROTIV i 4 glasa UZDRŽAN usvojilo Rješenje o imenovanju Teofila Gavrića za člana Komisije za procjenu prometne vrijednosti nekretnina.

### **17. Razmatranje Informacije o postupku diobe nekretnina (autobuska stanica)**

**Predlagač:** Općinsko pravobranilaštvo

**Obrađivač:** Općinsko pravobranilaštvo

**Izviestilac:** Vesna Ajanović, općinska pravobraniteljica

**Općinski načelnik:** je tražio pauzu za konsultaciju sa Kolegijem Općinskog vijeća.

**Predsjedavajući:** je upoznao vijećnike da tokom pauze nije usaglašen stav po pitanju predmetne Informacije, pa je predložio prekid sjednice što je Vijeće jednoglasno podržalo.

Sjednice Općinskog vijeća je prekinuta u 11:15 sati.

## **Nastavak 22. redovne sjednice Općinskog vijeća je održan 22.11.2022. godine u 9:00 sati.**

Nakon intoniranja himne Bosne i Hercegovine nastavak 22. sjednice Općinskog vijeća otvorio je Slaven Katičić, predsjedavajući Općinskog vijeća i pozdravio prisutne.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Safet Šahman, Mejrema Purišević, Mediha Mamela, Izudin Puščul, Omer Musić, Nerma Aliefendić, Elvir Delibašić, Namir Talić, Izudin Hrusto, Adis Mrkonjić, Džemal Bečirhodžić i Aldin Šljivo (**naknadno pristupio**) (**SDA**)

Vinka Aletović, Miroslav Spasojević i Eldin Mijoč (**naknadno pristupio**) (**SDP BiH**)

Mirsad Tursum, Zerina Kovač, Fakir Ajdinović i Sabit Čehajić (**S BiH**)

Dževdet Huskić i Branko Češljčić (**NS**)

Enver Merdić (**SBB BiH**)

Adnan Čobo i Armin Bašić (**DF**)

Slaven Katičić (**HDZ BiH**)

**Odsutni vijećnici:** Nedim Mušija (**SDA**), Mugdin Gorak (**SBB BiH**), Ahmed Begić (**SDP BiH**), Mujo Fafulić (**nacionalna manjina**) i Behija Kulović (**NS**) – **izabrana u Skupštinu ZDK.**

Predsjedavajući je konstatovao da je na sjednici u momentu prijave prisutno 23 vijećnika i vijećnica, te da su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

**Mirnes Bajtarević**, općinski načelnik

**Ferdo Mijač**, sekretar Općinskog vijeća

**Džihad Berbić**, pomoćnik općinskog načelnika za finansije

**Mirza Fazlić**, pomoćnik općinskog načelnika za privredu, urbanizam i zaštitu okoline

**Bahrudin Arnaut**, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

**Mukades Delibašić**, pomoćnik općinskog načelnika za imovinskopravne, geodetske poslove i katastar nekretnina

**Edin Aliefendić**, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

**Zijad Neimarlija**, direktor Zavoda za planiranje i izgradnju općine Kakanj

**Mahir Sikira**, savjetnik općinskog načelnika

### **Izviestioci, obrađivači, gosti**

Mirsada Čaluk i Azra Čišija, predsjednica UO i direktorica JU za predškolski odgoj i obrazovanje „Mladost“ Kakanj

### **Predstavnici medija**

**NTV IC Kakanj**

**Radio Kakanj**

Predsjedavajući je napomenuo da je 22. redovna sjednica prekinuta u toku 17. tačke dnevnog reda (Razmatranje Informacije o postupku diobe nekretnina – autobuska stanica), te je dao riječ izviestiocu općinskoj pravobraniteljici.



**Vesna Ajanović:** je upoznala Vijeće da je dana 14.11.2022. godine, održan sastanak u kabinetu općinskog načelnika sa predstavnicima ostalih suvlasnika predmetne nekretnine (Centrotrans, Inkos i Jasmin), radi utvrđivanja načina diobe nekretnine vansudskim putem, na kojem su Centrotrans i Inkos iskazali spremnost da budu i kupci i/ili prodavci predmetne nekretnine, nakon čega je na prijedlog Centrotransa zaključeno da se sastanak nastavi u drugoj polovini januara naredne godine do kada će oni imati stav svojih organa upravljanja po predmetnom pitanju.

U diskusiji nije niko učestvovao pa je Vijeće jednoglasno sa 22 glasa ZA usvojilo Zaključak o primanju k znanju Informacije o postupku diobe nekretnina – autobuska stanica.

#### **18. Razmatranje Izvještaja o realizaciji Godišnjeg programa rada JU za predškolski odgoj i obrazovanje „Mladost“ Kakanj za 2021/2022 godinu**

**Predlagač:** UO JU za predškolski odgoj i obrazovanje „Mladost“ Kakanj

**Obrađivač:** UO JU za predškolski odgoj i obrazovanje „Mladost“ Kakanj

**Izjavitelj:** Mirsada Čaluk, predsjednica UO i Azra Čišija, direktorica JU za predškolski odgoj i obrazovanje „Mladost“ Kakanj

U diskusiji nije niko učestvovao pa je Vijeće jednoglasno sa 22 glasa ZA usvojilo Izvještaj o realizaciji Godišnjeg programa rada JU za predškolski odgoj i obrazovanje „Mladost“ Kakanj za 2021/2022 godinu.

#### **19. Razmatranje Godišnjeg programa rada JU za predškolski odgoj i obrazovanje „Mladost“ Kakanj za 2022/2023 godinu**

**Predlagač:** UO JU za predškolski odgoj i obrazovanje „Mladost“ Kakanj

**Obrađivač:** UO JU za predškolski odgoj i obrazovanje „Mladost“ Kakanj

**Izjavitelj:** Mirsada Čaluk, predsjednica UO i Azra Čišija, direktorica JU za predškolski odgoj i obrazovanje „Mladost“ Kakanj

U diskusiji je učestvovao Dževdet Huskić.

**Dževdet Huskić:** je istakao da smatra da su nedovoljna dva asistenta angažovana u JU „Mladost“, za rad sa djecom sa poteškoćama u razvoju, obzirom da u JU ima osmero djece sa takvim poteškoćama, pa je u tom kontekstu pitao da li su planirana dodatna sredstva za angažman većeg broja asistenata i kakvi su planovi u tom pogledu.

**Azra Čišija (odgovor):** je potvrdila da su planirana dva asistenta za rad sa djecom koja imaju poteškoće u razvoju i da je to ono što je u ovom trenutku planirano. Također, istakla je da se u narednom periodu namjerava izraditi plan prijema djece u vrtić, kao i utvrđivanje uslova za provođenje inkluzije u vrtiću, tako da se planira u narednu pedagošku godinu ući sa konkretnijim ciljevima.

**Dževdet Huskić:** je rekao da podržava sve napore koji se ulažu u JU, te je rekao da je izrada programa proces koji zahtijeva vrijeme, dok istovremeno djeca i odgajateljice u vrtiću imaju problem. S toga je predložio da JU amandmanski djeluje na Budžet Općine kako bi se obezbjedila dodatna sredstva za angažman većeg broja asistenata.

Nakon diskusije Vijeće je jednoglasno sa 22 glasa ZA usvojilo Godišnji programa rada JU za predškolski odgoj i obrazovanje „Mladost“ Kakanj za 2022/2023 godinu.

Predsjedavajući je zaključio rad 22. redovne sjednice Općinskog vijeća u 9:15 sati.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR  
OPĆINSKOG VIJEĆA**  
Ferdo Mijač

**PREDSJEDAVAJUĆI  
OPĆINSKOG VIJEĆA**  
Slaven Katičić